

№ 84 23
(792) сентябре
1939 арэ
9 тй арзэ потэ

КОММУНАЕ СЮРЕС

Редакциялэн адресэз:
Поселок Балезино УАССР.
Советской ульча, № 9.
телефон № 39

Дуныз 5 копейка

ВКП(б)-лэн Балезино райкомезлэн но райисполкомлэн органзы

СССР-лэн Совнаркомз но ВКП(б)-лэн Центральной Комитетаз

I.

„Колхоз'ёсын общественной пудо вордонэз будэтон ужрад'ёс сярысь“ СССР-лэн СНК-езлэсь но ВКП(б)-лэн ЦК-езлэсь постановленизэс быдэс'ялэн мынэмез сярысь

„Колхоз'ёсын общественной пудо вордонэз будэтон ужрад'ёс сярысь“ СССР-лэн СНК-езлэсь но ВКП(б)-лэн ЦК-езлэсь постановленизэс быдэс'ялэн мынэмез сярысь ужпумез обсудить карыса, СССР-лэн Совнаркомез но ВКП(б)-лэн ЦК-ез постановить карызы:

1. Союзной но автономной республикаослэн совнарком'ёссылэсь, краевой но областной исполком'ёслэсь, Союзной Республикаослэн компартиоссылэн ЦК-оссылэсь, ВКП(б)-лэн крайком'ёссылэсь но обком'ёссылэсь вниманизэс еолы вис'ятоно, что кол-

хозной пудо вордон фермаосты пудо йырлыдын комплектовать карон ужын сентябрь но октябрь решающей толэзьёсын луо. Колхоз'ёслы рекомендовать кароно та дыр куспын колхозник'ёслэсь но колхозын сыйлытэм'ёслэсь, а озы ик совхоз'ёсысь но мукет организациосысь басытны пинал пудолэсь но мйй пудолэсь кулэ луись лызэ со вылысь, чтобы обеспечить карыны фермаосты кылдытонэз со колхоз'ёсын, кытын соос ой вал, а озы ик вань фермаосты 1940 ар понна юнматэм йырлыдын укомплектовать каронэз.

2. Лыд'яса, что колхоз'ёсын государстволы обязательной сйль сётонэс будэстон дыр'язы сйлез ю тысен воштон лэзыл'сыкоз исключительной случайёсы г и н э СССР-лэн Наркомзагезлэн разрешениез'я, интысь советской но партийной организациосты обязать кароно, фермаосты комплектовать карон планэз будэстонэз артэ, обеспечить карыны пудоез судыны пунктонэз 1940 арын, тужгес ик нырысетй но кыктэтй квартал'ёсы сйль сётон планэз будэстыны тырмыт луись лыдын, со дыре ик пудо вордон фермаосысь маточной

йырлыдэз ичиомытны лэзытэк.

3. Предложить кароно интысь советской но партийной организациослы колхоз'ёсын общественной пудо вордонэз грубой чарсмыт но концентрированной судон'ёсын но пудо вордон построй-каосын обеспечить карондымаке со гинэ относиться кариськонэз Жотрак быдтыны, лыдэ басытса сое, что 1939—1940 ар'ёсын пудоез толйтон колхоз'ёсын общественной пудо вордонэз азылане будэтон но юнматон ужын решающей луоз.

II

Колхоз'ёсын сахарной кушманэз бусыын кагатировать карон сярысь

УССР-ысь колхоз'ёсын сахарной кушманэз бусыын кагатировать карон сярысь ужпумез обсудить карыса, СССР-лэн Совнаркомез но ВКП(б)-лэн Центральной комитетэз пусйизы, что кушман кизён удысын берло арэсы басытэмын шбдскымон азинскон'ёс: Жутскиз сахарной кушманлэн урожайностэз, будйз сахарной завод'ёслэн производительностьсы, озы ик ичиомизы производствосын сахарезыштон'ёс.

Соин чош ик, СССР-лэн СНК-ез но ВКП(б)-лэн ЦК-ез установить карызы, что колхоз'ёсын бусыын пичиесь люк'ёсын но сахарной завод'ёслэн приемочной пункт'ёсазы сахарной кушманэз возёнлэн трос тырмытэосыз вань, соин сэрэн страна арлы быдэ уг басыты туж трос сахарез, нош колхоз'ёсын сахарной кушманлэсь доход'ёс кулэсмо но трудоденьлэн дуныз ичиоме.

Сахарной кушманэз бусыын пичиесь люк'ёсын возёнлэн существовать карысь практикаез вуттэ кушманлэн трос сбриськонэзлы но сахарезыштон'ёслы, шугомытэ заводской кагат'ёсын сое азыланьын возёнэз, производстволэсь процессэз уродмытэ но сахар поттонэз синэтонэ вуттэ.

Сахар кушманэз пичиесь люк'ёсын возён кулэ каре кушман кизись район'ёсы обжит дырлы транспортной средствоосты юн огазеянэз жегатэ транспортировка дыр'я кушман тыронэз механизировать каронэз, ма усыкытэ транспортлэсь производительностьсэ, а озы ик вуттэ сизылл уж'ёсты нуон понна бусыез дыраз тырттэмытонэз жегатонэ, соин сэрэн тысё культураослэн удалтонлыксы

узе но сахарной кушманлэн вис'ёсызлы но вредительсйзлы будыны понна ушловос кылдо.

Сахарной кушманэз утялтон но переработать карон ужез умоятон, транспортной тйрлык'ёсты уже шоноер кутон но сахарной кушман кизён район'ёсын сентябрь октябрь толэзьёсы грузонапряженностез ичиомытон вылысь СССР-лэн СНК-ез но ВКП(б)-лэн ЦК-ез постановить карызы:

1. УССР-лэсь СНК-зэ, сахарной кушман кизысь областьёсысь облисполком'ёсты косоно туэ сахарной кушманэз октон вакыт организовать карыны сахарной кушманэз бусыын кагатировать каронэз. 2. СССР-лэн Наркомпищепромезлы поручить кароно, УССР-лэн, РСФСР-лэн Казахской ССР-лэн, Киргизской ССР-лэн, Грузинской ССР-лэн Совнарком'ёсыны зы чош, 1939 арын сахарной кушманэз бусыын кагатировать каронлэсь быдэлазэ областьёс'я тупатыны СССР-ын быдэсак валовой сборысь 12 процентлэсь выль карытэк.

Облисполком'ёсты косоно 1939 арлэн 20 сентябрьлэсь бере кылыгыт бусыын кагатировать каронлы даниез сахарной кушманэз кизысь район'ёс но колхоз'ёс доры вуттыны, котькуд заводлэсь вис карытэк ужаны кулэзэ но район'ёсты но колхоз'ёсты транспортэн обеспечить каронэз лыдэ басытса.

3. Райисполком'ёсты, МТС-ёслэсь, сахарной завод'ёслэсь директор'ёссэс но колхоз'ёслэсь правлениоссэс косоно сахарной кушманэз бусыын кагатировать карыку юн возысыкыны тае положинос'я а) сентябре копам сахарной

кушман бусые люкен-люкен тырыське, завод'ёслэн сахарной кушман пункт'ёсазы ворттыське копам бере ик, но бусыын кема возён вылысь кагатировать каронлы подлежаать уг кары; б) октябре копам сахарной кушманэз кагатировать кароно тупатэм план'я. Кылемез сахарной кушман бусые люкен-люкен тырыське но сахарной завод'ёслэн заготовительной пункт'ёсаз непосредствен но ворттыське;

в) бусыысь кагат'ёсы сахарной кушман вуыны кулэ сувзэ но сортировать карем бере ик—юнэз, тйямтэз, вандылымтэз но шуятымтэз; г) сахарной кушманэз утялтыса возён дыр чоже ик вис карытэк ворттонэз обеспечить карон вылысь бусыысь кагат'ёсты интыяно магистральной сюрес'ёс доры;

д) кагатировать карон точкаосты но соосты интыян зонаосты тупатыку—кулэ чакланы сахарной завод'ёсты вис карытэк снабжать карыны кулэзэ но транспортэз рационально уже кутонэз. Со понна лэзёно двёл приемочной пункт'ёс дорысен котыр 8 километр кемысь колхоз'ёсын сахарной кушманэз бусыын кагатировать карыны, нош колхоз'ёсын, куд'ёсыз луо 14-16 километрлэсь но трос кемын, кагатировать каронлэсь быдэлазэ тупатонэ колхозлэн приемочной пунктлы ма кемын луэмзэ, транспортной тйрлык'ёсыз ваньзэ но сюрес'ёслэсь кыче луэмзэс лыдэ басытса.

4. СССР-лэн Наркомземезлы но Наркомпищепромезлы кунинь нунал куспын разработать кароно но сахарной кушманэз кизысь район'ёслы но колхоз'ёслы довести кароно

1939 арын сахар кушманэз бусыын кагатировать карон'я инструкцииз.

5. Колхоз'ёсын сахарной кушманэз бусыын утялтыса возёнэз организовать каронэз но утялтон понна ответственность нуонэз пононо колхоз'ёслэн правлениосы вылэ. Нош кагатировать карон дыр'я контролез но кивалтонэз сётонэ облеуправлениослы, райземотдел'ёслы МТС-ёслэн; сахарной завод'ёслэн директор'ёссылы.

6. Облисполком'ёсты, райисполком'ёсты, МТС-ёслэсь, сахарной завод'ёслэсь директор'ёссэс но колхоз'ёслэсь председател'ёссэс косоно сахарной кушманэз бусыын кагатировать карон понна тырмыт кадр'ёс дасянэз обеспечить карыны. Колхоз'ёслэн правлениосы обеспечить каронэ луо куролэсь керттэм шобрет'ёсты (матаосты) но мукет материал'ёсты но инвентарь дыраз дасянэз, куд'ёсыз кулэ сахар кушманэз бусыын утялтыса возён понна нош завод'ёслэн директор'ёсы колхоз'ёсты обеспечить кароно луо кагатной термометр'ёсын но известен.

7. Бусыысь кагат'ёсысь сахарной кушманэз чугун сюрес вылысь пункт'ёсы нуллыку кыктэтйзэ кагатировать каронэз лэзёно двёл ни, ма понна завод'ёсты косоно кушманэз котькуд нуналэ ворттыны колхоз'ёс'я соответствующой разнарядкаез чаклала.

8. СССР-лэсь Наркомпищепромзэ косоно кушманэз бусыысь кагат'ёсын возён'я кагат'ёс понна сахарной завод'ёсын 15 нунал'ем курс'ёс орчытыны, ма понна СССР-лэн Наркомпищепромез кушманэз дасянлы но утялтонлы вис'я коньдон пёлысь вис'яны кулэ 500.000 манет.

17 сентябре чукна
1939 арын Мос-
кваысь польской
посоллы СССР-лэн
правительствосы
сётэм нота

Господин Посол.

Польско-германской война польской государстволэсь внутренней несостоятельностью возматйз. Военной операциос дас нунал чоже кыстйськыса, Польша ыштйз аслэстыз вань промышленной район'ёссэ но культурной центр'ёссэ. Варшава, польской государстволэн столицаез, двёл ни т а б е р е. Польской правительство куашказ но улонэзлэсь признак'ёссэ уг возматы ни. Со возматэ, что польской государство но солэн правительство без фактически улэмысь дугдызы. Соин сэрэн ик, СССР но Польша куспын гожтэм договор'ёс асысэлэсь действоссэс дугдытызы. Ас йбназ куштэм но руководствотэк кельтэм Польша котькыче случайностьёслы но витыымтэослы удобной бусылы пёрмытэмын, куд'ёсыз СССР-лы кышкытлык кылдытны быгатозы. Соин ик, та дырозэ нейтральноен луыса, азыланэз Советской правительство сыче факт'ёслы нейтрально относиться карыны уг ни быгаты.

Советской правительство озы ик безразлично относиться карыськыны уг быгаты солы, чтобы Польшалэн территория вылаз ульсь единокровной украинец'ёс но белорусс'ёс, куд'ёсыз а ли судьбалэн произволаз куштэмын но беззащитноен кылемын, срослы юрттэт сётытэк кельтыны уг быгаты. Тае обстановкаен сэрэн Советской правительство Красной Армилен Главной командованияезлы распоряжение сётиз войскаослы границаез выжыны но западной Украинаны но Западной Белоруссины ульсь калык'ёслэсь улонэз но имуществозэс аслаз защитаез улэ басытны.

Соин чош ик Советской правительство ваньзэ ужрад'ёсты кутыны малла со понна, чтобы польской калыкез злополучной войнаысь поттыны, кудаз со пыртэмын вал солэн йбнтэм кивалтысьсыныз, но сётонэ солы луонлык мирной улонэн улыны.

Басытэлэ Господин Посол, Тиледлы зэмос почтенилэсь оскытон'ёссэ.

СССР-лэн иностранной уж'ёсыз'я Народно й Комиссарез В. Молотов Польшалэн чрезвычайной но полномочной посолэзлы господин Гржибовскийлы. Польской посольство. Москва.

СОВЕТСКОЙ ПРАВИТЕЛЬСТВОЛЭСЬ РЕШЕНИОССЭ ТРУДЯЩОЙЭС ОГ МЫЛКЫДЭН ОДОБРЯТЬ КАРО

Правительство калыклэсь волязэ быдэстиз

Кыктэтй Воегурт колхозысь колхозник'эс но колхозницаос бадзым вниманиен но интересэн кылскизы правительстволэн Главаезлэсь Молотов эшлэсь сообщенизэ. Западной Украинаысь но Западной Белоруссияысь единокровной калык'эсты защита улэ бастонэз колхозник'эс бадзым мылкыдэн приветствовать каризы.

Таин валче колхозник'эс резолюциязы пуктызы вань хозяйственно-политической уж'эсты азынлыко быдэстона мобилизоваться каризы ны. Государстволы ю нянь сётонэз но кутсаськонэз 23-тй сентябрьозь но фермаосты укомплектовать каронэз 1-тй октябрьозь быдэстыны ас азызы ужпум пуктызы.

Советской правительстволэн мудрой политикаез

Советской Союзлэн Главаезлэсь В. М. Молотов эшлэсь радио пыр выступлениез вань трудящейэс бадзым вниманиен кылскизы. Колхоз'эсын, предприятиосын но учреждениосын Молотов эшлэн выступлениез'я трос лыд'эм митинг'эс ортчизы. Быдыпи сельсоветысь Шолоково колхозысь колхозник'эс собрание ваньмыз 82 мурт люкасыкыа Совет-

ской правительстволэсь мудрой политикаез ог мылкыдэн зечкылазы.

Татын соос конкретной решение кутызы. Кутсаськонэз, государство азын вань обязательной поставкаосты вакчи дыр куспын быдэстыны ас азызы быдэстона ужпумен пуктызы.

И. Иванов

Д. Касаткин

Пось мылкыдэн одобрить кариськомы

Ми, Воегуртской НСШ-ысь дышетисьёс но дышеткисьёс, ваньмыз 119 мурт, Советской правительстволэн Главаезлэсь Молотов эшлэн радио пыр выступлениез сярысь сообщениез кылскимы. Пось мылкыдэн одобрить кариськомы советской правительстволэсь решениез—Западной Украиналэсь но Западной Белоруссиялэсь братской калык'эсты защита улэ бастонэз, куд'эсыз куштэмын вал

обанкротиться кариськом польской правительстволэн судьбалэн пропозитаз.

Ми, дышеткисьёс ас выламы конкретной обязательство бастыськомы, куд'эссэ ми данлыко быдэстомы. Западной Украинаысь но Западной Белоруссияысь нылпиослы пось зечкылан! Митинглэн куремез'я: Е. Корепанова, Г. Корепанов, Т. Малых, Баженов.

РККА-лэн генеральной штабелэн оперативной сводкаез 18 сентябре

Красной Армилен войскаосыз 18 сентябре лумбыт чоже польской армилэсь частьёссы уллаллазы и жытозь бастызы: Северын—Западной Белоруссияысь—Свенцяныез, Лида чугун сюрес узелэз, Новогрудок городэз, Орля местечкоез (Неман шур бордын) Слоним, Волковыск город'эсты но Яглевичи чугун сюрес

станцияез (Минск-Брест—Литовск чугун сюрес вылын). Югын—Западной Украинаысь—Сарны чугун сюрес узелэз, Луцк, Станиславов, Галич, Красне, Бучач город'эсты.

Красной Армилен азымынсь колоннаосыз Львов но Вильно город'эс доры вуо ни.

Хрущев но Тимошенко эш'эс Западной Украинаын

Киев, 19 сентябре. (ТАСС). 17 сентябре Н. С. Хрущев эш Подволочисске но Каменка селение ветлыз. Отын со туж шумпотэм калыкен пумитамын вал. Н. С. Хрущев эш Подволочисскын но Каменкаын улйсьёсын вераськиз. Соос юаллясько Советской Союзын улон сярысь. Туж тау каро советской калыкы соосты польской пан'эслэн зйбетсы улысь мозмытэм понна но Красной Армилен Западной Украинаысь трудящейёслы юрттыны лыктэмез понна.

18 сентябре украинской фронтлэн командующоез 1-тй

ранго командарам С. К. Тимошенко но украинской фронтлэн военной советэзлэн членэз Н. С. Хрущев ветлызы Тарнополь городэ но Трёмбовия но Скалат город'эсы.

Коть кытын ик Н. С. Хрущев но С. К. Тимошенко эш'эслэн калык'эсын беседаоссы йылпум'яськылызы зечкылан лозунг'эсын но шумпотэм калыклэн Советской калыкез но солэсь Красной Армизэ но великой Сталинэз дан'яса вазиськылэм куарасынызы.

Государстволы ю нянь сэдать каронэз 'возьмат'эсь СВОДКА

(20-тй сентябрьлы, процентэн 'возьматэмын)

Сельсовет'эс	Ю нянь сэдать ктренын
Балезино	96
Подборново	96
Оросово	100
Б-Варыж	69
Наговицыно	96
Турецкой	86
Бурино	68
Бозгон	92
Ушур	94
Пыбья	71
И-Волково	98
Воегурт	92
Быдыпи	79
Исаково	95
Юнда	65
Ягошур	75
Кестым	96
П-Май	77
Пышкен	100

Киевской областысь, Бугуловской районуьсь Тельман лэн нимыныз нима колхозын трудоденьёс'я аван сэтчалолэн



Суред вылын: 63 арес'ем стахановец-колхозник Ф.Р. Полищук, 226 трудодень заработать кириз ни, и солэн кышноез Е.Р. Полищук 1200 килограмм ю тысь аван бастэ. Шораз кладовщик П. И. Мандрыка. Полищуклэн семьяез куинь муртлэсь состоять карыса, 509 трудодень заработать кириз ни.

Шулдыр келян

21-тй сентябре Балезино станциян Красной Армие бастэм призывник'эслы нырысьсэ келян ортчиз. Красной Армие мыныны соос шум потыса дыраз люкасыкызы.

Строе султэм беразы призывник'эсты ВКП(б) райкомлэн секретарез И. К. Матушкин но Райисполкомлэн председателезлэн заместителез А. П. Калинин приветствовать каризы.

Призывник'эс эш'эс, шуиз Матушкин эш,—тй туннэ асьмелэн яратоно Красной Армиылен радаз султиськоды. Тйляд задачады,—военно-политической ужлы отлично дышеткыны, дисциплинированной луыны. Нош кукке кулэ луиз ке, социалистической ролинамы понна, Сталин эш понна улондэс жалятэк жугыськоды. Зеч мынэ эш'эс, шулдыр мыныны мон тйлед желать карисько.

Райпотребсоюз нош дан'яса сослы красной знамя сэтйз.—Та знамядэс тй кияды зол возелэ, та тйляд отын переходящей знамяен луоз, та знамяен военно-политической подготовкая но мукет уж'эс'я азымынсь радэ султэлэ,—шуса со знамяез сэтйз призывник'эслы Военной комиссар Васильев эш. Со сяна призывник'эслы подарок Бурино МТС выль гармония сэтыса лэзиз.

Вагонэ пуксем беразы при-

зывник'эслэсь вакчияк кылын Н. Касаткин эш выступить кариз. Со шуиз, "митуннэ красной Армилен радаз султисьмы, советской родинамес кужмо возьмаломы, та Красной знамямы милям киямы зол улосз. Тау тйлед эш'эс, милеместы шулдыр келямдылы". Поезд вырзиз, гармонияен шудыса соос туж шулдыр, капчи мылкыдэн кошкызы.

К. Лекомцев.

Орловской областысь, Должанской районуьсь "Золотая Нива" колхозлэн азыло трактористэз, Московской военной округысь РККА-лэн Н-ской частезлэн танкистэз Коробов эш боевой машинаосын отлично управлять каре. Коробов эш Хасан озеролэн районаз бойёсын участник но правительстволэн "Красная Звезда" орденэн наградить каремын.



Суред вылын: Танкист-орден нулйсь Коробов эш.

Ялон

Удмуртской АССР-лэн Наркомлэслээн Шурской мехлеспунктэзлы постоянной уже требоваться карысько бухгалтер'эс, счетовод'эс, табельщик'эс но управделами. Уждун аслазылэн согласиться карыськемзына тыриськоз.

Ужаны мылкыд карысьёслы документ'эсын отдел кадров лыктоно: Бермьской чугун сюреслэн 21 номеро раз'ездаз, шурмехлеспункт.

Малпан'эсы зэмазы

Быдэс Советской Союзысь егит'эс призывез бадзым шумпотонэн пумитазы. Мон 1918 арын вордскем призывник призывез чиданы луонтэм мылкыдэн вिति. Мы нам малпанэ вал Рабоче-Крестьянской Красной Армилен боевой знамя улаз султисьса, сяскыалсь родинамес саклык возьманы. Ворошилов эшлэсь "Воинской обязанность сярысь законэз" верамзэ мон жутскем мылкыдын лыдзи.

И вот, призывлен нуналыз вуиз. Мон Красной Армилен радаз служить карыны бастэмын. Шумпотыса витем малпан'эсы мынам зэмазы. Красной Армилен радаз мыныса мон кылме сэтисько: дисциплинированной луыны, военной политической ужлы отлично дышеткыны. Нош кукке кулэ луиз ке, партилен но правительстволэн отемез'я сяскыалськысь родинамы понна, Сталин эш понна аслэсьтым улэмме но сето. Призывник—В. Ф. Протасов.

Коньдон огазеян-зэс тырмытйзы

Наговицыно сельсоветысь Архипово колхоз коньдон огазеян ужпумен азымынсь радэ потйз. Сентябрь толэзьлэн нырысетй нунал'эс аз ик колхоз страховоюзэ но по доходной налогзэ тырыса быдэстиз. Со бере колхозник'эс вань тырон'эссэс тырмытйзы. Коньдон огазеян ужын тужгес ик умой ужазы сельсоветлэн членэз Наговицын Сергей Михайлович но бригадир Емельянов Григорий Демидович. Соос асьсэлэсь тырон'эссэс ваньзылэсь азыло тырмызы но агитационно-масовой уж нуизы.

Таин чош ик пус'ёно луэ ляб ужасьёсты но. Чуялуд колхозысь сельсовет член Г.Н. Князев аслэсьтыз тыронзэ копейка но өз тыры. Озы ик колхозник'эс пблын но нокичэ уж уг нуы. Быдэскын колхоз'я коньдон огазеянлэн быдэсмемез нокичэ ярантэм ляб. Лекомцев.

Вр. редактор В. К. Дерендяев Поттись райисполком.